

Юлдашева Нилуфар Абдуллаевна,
педагогика фанлари номзоди, доцент, А.Қодирий
номидаги ижод мактаби директори
Рахимов Минҳожиддин Мұхаммадғолиб ўғли,
Тошкент давлат техника университети 1-курс
докторанти

ЁШЛАРНИ ВАТАНПАРVARЛИК РУҲИДА ТАРБИЯЛАШ МАЪНАВИЙ-МАЪРИФИЙ УЙҒОНИШНИНГ АСОСИЙ МУАММОСИ СИФАТИДА

УДК: 37.035.6

**ЮЛДАШЕВА Н.А. РАХИМОВ М. М. ЁШЛАРНИ ВАТАНПАРVARЛИК РУҲИДА
ТАРБИЯЛАШ МАЪНАВИЙ-МАЪРИФИЙ УЙҒОНИШНИНГ АСОСИЙ МУАММОСИ
СИФАТИДА**

Ўзбек миллий таълим тизими ҳам илғор тажрибаларни қабул қилиш билан бирга минг йиллар давомида шаклланган шарқона усуслардан воз ҳам кечмади. Шарқ, хусусан, ўзбек таълим тизимида ёшлар тарбияси, ахлоқи, ватанпарварлиги, меҳнатсеварлиги, ижодкорлиги, инсон-парварлиги каби сифатларга азалдан алоҳида эътибор қаратилган. Мақола ёшлар тарбиясининг муҳим жиҳати - ватанпарварлик руҳида тарбиялаш каби долзарб муаммога бағишиланган.

Таянч сўз ва тушунчалар: Ватан, ватанпарварлик, ёшлар, юксак ахлоқ, маънавият ва маърифат, меҳнатга вижданан муносабат, илм, миллий қадриятлар.

**ЮЛДАШЕВА Н.А., РАХИМОВ М.М. ВОСПИТАНИЕ МОЛОДЕЖИ В ДУХЕ
ПАТРИОТИЗМА КАК ГЛАВНАЯ ПРОБЛЕМА ДУХОВНО-ПРОСВЕТСТВЕННОГО
ПРОБУЖДЕНИЯ**

Узбекская национальная система образования, перенимая передовой опыт, не отказалась от восточных методов, которые формировались тысячелетиями. На Востоке, в частности, в системе образования Узбекистана особое внимание всегда уделялось таким качествам, как воспитание молодежи, нравственность, патриотизм, трудолюбие, творчество, гуманность. Статья посвящена актуальному аспекту воспитания молодёжи – проблеме воспитания в духе патриотизма.

Ключевые слова и понятия: Родина, патриотизм, молодежь, высокая нравственность, духовность и просвещение, сознательное отношение к труду, наука, национальные ценности.

**YULDASHEVA N.A., RAKHIMOV M.M. EDUCATION OF YOUNG PEOPLE IN THE SPIRIT
OF PATRIOTISM AS THE MAIN PROBLEM OF SPIRITUAL AND ENLIGHTENMENT OF
AWAKENING**

The Uzbek national education system, while adopting best practices, has not abandoned the oriental methods that have been formed over thousands of years. In the East, in particular, in the Uzbek education system, special attention always has been paid to such qualities as the upbringing of young people, morality, patriotism, diligence, creativity, humanity.

Key words and concepts: Motherland, patriotism, youth, high morals, spirituality and enlightenment, conscientious attitude to work, science, national values

Кириш. XX асрнинг сўнгги ва XXI асрнинг йигирма йилида юз берган ижтимоий-сиёсий ўзгаришлар туфайли миллатнинг асрий орзуси демократия, озодлик, эркинлик, фаровон ва осойишта турмуш тарзини чўқур англаш фурсати етди. Халқимиз ўз олдига эзгу ва улуғ мақсадлар қўйиб, ўз тақдирини ўзи белгилаб, азалий қадриятларимизга суюниб, шунингдек, тараққийпарвар давлатлар тажрибасини ижодий ўрганиб юксак интилишлар билан яшай бошлади. Буларнинг барчаси адабий таълимнинг мақсадини ҳам ўзгартирди — энди бош мақсад болаларни эзгу қадриятлар асосида билимли, юқори салоҳиятли, ватани ва халқига содиқ, жисмонан соғлом, теран ва мустақил фикрловчи шахс этиб тарбиялашдир.

Сўнгги йилларда бу борада қатор қарорлар қабул қилинди. Республика маънавият ва маърифат кенгашининг раиси Ўзбекистон Республикаси Президенти эканлиги белгилаб қўйилди. Кенгашнинг ҳудудий бўлимларига масъуллик ҳокимлар зиммасига юклатилди. Бу ўзгариш маънавий-маърифий ишларни давлатимиз сиёсатида янада юксак ўринга кўтарди. Давлат раҳбари 2021 йилнинг 19 январь куни маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалаларига бағишилаб ўtkазилган йиғилишда, “Агар жамият ҳаётининг танаси иқтисодиёт бўлса, унинг жони ва руҳи маънавиятдир, ... Биз янги Ўзбекистонни барпо этишга қарор қилган эканмиз, иккита мустаҳкам устунга таянамиз. Биринчиси – бозор тамоийларига асосланган кучли иқтисодиёт. Иккинчиси – аждодларимизнинг бой мероси ва миллий қадриятларга асосланган кучли маънавиятидир”, - деди¹.

Тадқиқот мақсади. Шунинг учун ҳам бугунги Ўзбекистонда кадрлар тайёрлаш тизимининг шаклланиши ва фаолият кўрсатишнинг асосий тамоийли тарзида «ўқувчи ёшларни Ватанга садоқат, юксак ахлоқ, маънавият ва маърифат, меҳнатга

¹ Ўзбекистон Республикаси Президенти Шавкат Мирзиёев. Маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалалари. - Тошкент. “Янги Ўзбекистон” 2021 йил 19 январь.

вижданан муносабатда бўлиш руҳида тарбиялаш» алоҳида таъкидланган².

Мазкур тамоийл асосида миллий таълим тизими ва педагогик-методик соҳаларда жадал ўзгаришлар, шиддатли янгиланишлар юз берди. Мавжуд дарслер, қўлланма ва дастурлар замон талабларига мослаштирилиб, босқичмабосқич истеъмолга чиқарилмоқда. Замонавий дарс тушунчasi янгитдан сайқалланди. Ўқувчилардан итоаткорлик, ўқитувчининг ҳар бир гапини ёдлаб олиш талаб этилмай қўйилди.

Энди ҳар бир мактаб(нинг истаган) ўқувчиси ўзининг шахсий фикри ва уни ҳимоя қилиш ҳуқуқига эгалигини, ўқитувчи диктатор эмас, илмга йўл кўрсатувчи йўлловчи (етакловчи) эканини билади. Берилган имтиёз ва ҳуқуқлар суиистеъмол қилинмаслиги учун ўқитувчилар чўқур билим ва лидер-етакчилик хусусиятлари билан қуролланишлари лозим. Зотан, «**Дунёда турмоқ учун дунёвий фан ва илм лозимдур, замона илми ва фанидан бебаҳра миллиат бошқаларга поймол бўлур**»³.

Муаммонинг ўрганилганлик даражаси. Педагогика нуқтаи назаридан қараганда, мавзу юзасидан миллий таълим тизими ва педагогик-методик йўналишлар доирасида кўплаб илмий изланишлар, фундаментал тадқиқотлар амалга оширилган. Айни муаммо фақат Ўзбекистонда эмас балки ўз келажигига бефарқ бўлмаган хориж мамлакатларида ҳам тизими ўрганилган ва жиддий тадқиқот ишлари дунё юзини кўрган. Республикаизда ва хорижда нашр этилган илмий-педагогик адабиётлар таҳлили таълим жараёнининг долзарб йўналишлари бўйича қатор илмий ишлар олиб борилаётганини кўрсатди. Жумладан, Р.Джураев, Р.Аҳлидинов, Ж.Йўлдошев, Э.Фозиев, Ш.Қурбонов, Э.Сейтхалилов, М.Мирқосимов, У.Иноятов, О.Мусурмонова, М.Сайдов, Л.Перегудов, Ю.Васильев, Т.Давиденко, М.Поташник, В.Симонов, П.Третьяков, В.Арнаутов, В.Монахов, Б.Бульфов, В.Иванов, В.Беспалько, В.Гузеев, С.Исламгулова, М.Мирқосимова, М.Кларин, И.Подласий, Н.Саидаҳмедов, М.Қуронов,

² Каримов И.А. Баркамол авлод – Ўзбекистон тараққиётининг пойдевори. – Т.: “Ўзбекистон”, 1997. – 214 б.

³ Қосимов Б. Миллий уйғониш: жасорат, маърифат, фидойилик. - Тошкент: “Маънавият”, 2002. – 369-бет.

Б.Тўхлиев, Н.Комилов, И.Хаққул, Қ.Йўлдошев, Қ.Хусанбоева, Б.Зиёмуҳамедов, Ў.Толипов, М.Усмонбоева, У.Долимов¹ ва шу каби олимлар таълимни бошқариш қонуниятлари, унинг давлат ва шахс эҳтиёжи ҳамда манфаатларини қондиришда тутган ўрни, жамият ривожига боғлиқ талаблари, баркамол шахс тарбиялаш усулларини тадқиқ этишган.

Тадқиқот обьекти. Ўзбекистон таълим тизими педагогикасида адабиёт ўқитиш муҳим, ижодкор ёшларни ватанпарварлик руҳида тарбиялаш, ҳатто асосий юмуш саналиб, бу муам-

монинг босқичма-босқич тизимили ривожланниб боришини кафолатлади.

Тадқиқотнинг усуллари. Назарий адабиётларни ўрганиш, таҳлил қилиш, тушунчаларга таъриф бериш, кузатиш ва сұхбат, ҷоғишириш, қиёсий таҳлил орқали далиллаш каби шахснинг мантиқий тафаккур, мустақил фикр кўнникмаларини ривожлантиради.

Илмий моҳият. Зотан, «... инсон ақлий ва жисмоний жиҳатдан қанчалик етук бўлса ҳам, ундаги билим ахлоқ нормаларига мос бўлмаса, у киши жамиятнинг ҳақиқий аъзоси бўла олмайди»². Ахлоқий меъёрлар эса адабиёт воситасида вужудга келади. Бунга бадиий адабиётдаги образли тафаккур тарзи имкон беради.

Шу соҳаларда мамлакатимиз тараққиётнинг юксак маърифий-маданий жамият сари етакловчи, келажаги буюк давлатни бунёд қилиш йўлини танлагани боис таълим тизимига эътибор ва талаб кундан-кунга кучайиб бормоқда. Зотан, аждодлар танлаган йўлни миллий турурга эга, баркамол, ватанпарвар авлодларгина давом эттира олишади.

Асосий қисм. Янги Ўзбекистон равнақи, келажак стратегияси ҳақида фикр юритилар экан, бутун республика таълим тизимида катта ўзгаришлар амалга оширилмоқда. Педагоглар бу ислоҳотлар тақдим этган ахборот коммуникатив ва илғор ўқув технологиялари, модуллаштирилган ҳамда замонавий таълим усуллари ёрдамида ёшларни маънавий-ахлоқий такомиллаштириш, чуқур фуқаролик туйғусини шакллантириш, ёт мағкуравий таъсирлардан ҳимояловчи ғоявий иммунитет ҳосил қилиш ва ўқитиш самарадорлигини таъминлашдан иборат. Шу боис ёшларни миллий ғоя руҳида тарбиялаш, уларда ватани ва эли билан фахраниш, ҳимоясига шай туриш туйғусини ривожлантиришда адабий таълимнинг ўрни беқиёс. Мазкур ҳолат ҳамда шиддатли ахборот оқими туфайли ёшларимизда хориж мамлакатлари турмуш тарзига интилиш, тақлид қилиш, миллийликдан узоқлашиш, давлатлараро ядрорий эмас, мағкуравий кураш олиб борилаётгани узлуксиз адабий таълим тизимининг асосий субъекти — ўқувчиларда ватанпарварлик туйғусини тарбиялаш йўсинларини илмий-

¹ Ҳасанбоев О., Ҳасанбоев Ж., Ҳамидов Ҳ. Педагогика тарихи. – Т.: Ўқитувчи, 1997. – Б. 57.

педагогик муаммо сифатида тадқиқ этиш долзарб эканлигини белгилайди.

Мамлакатимиздаги УЎТМ, айниқса ижод мактабларининг юқори синфлари, академик лицей ва касб-хунар колледжлари таълим олувчилигига «**замона илми ва фани**»ни сингдиришда адабиёт дарслари мұхим ўрин тутади. Адабиёт ўқитувчиси ўқувчиларни аждодларимизнинг дунё фани ва маданияти ривожига ҳисса қўшган асарлари билан танишириб бориши зарур. Шунда болада миллий ифтихор туйғуси ва ўзлигини англаши учун илмни эгаллаш истаги уйғонади. УЎТМ «Адабиёт» дастурида белгиланган **«Мактабда адабиёт ўқитишининг бош мақсади соғлом эътиқодли, ўзга инсоннинг туйғуларини англайдиган, ўткир ҳиссиётли, юксак дидли, ахлоқан баркамол, ақлан етук, ўз хатти-ҳаракатларига масъул бўла оладиган комил инсоннинг маънавий дунёсини шакллантириш...»¹** тарзидаги вазифаларга янгича руҳ бахш этиш фурсати етди.

Бу вазифаларни ҳал қилишнинг мұхим шартларидан бири адабий таълимда ёшлар маънавиятини ривожлантириш тажрибаларини синчковлик ва құнт билан ўрганиш, анъанавий таълимнинг бугунги күн учун ўз долзарбигини йўқотган тамойилларидан возкечиш, замонавий, тажрибада ўзини оқлаган усул ва технологияларга мурожаат қилишдан иборатdir. Аммо бу қўр-қўрона плагиаторлик дегани эмас. УЎТМдаги кузатувларимиз орқали бир фикр «... **педагогик жамоатлар таңқидий қарамай туриб, ҳадеб ғарб методикасини, телевизион усулларни, бегона байрамлар ва шаклларни кўчириш билан шуғулланишади. Мен аминманки, бизда ўз интеллектуал кучимиз бор, маданиятимиз ва талантларимиз бор. Биз фақат улардаги яхши жиҳатларни олиб, ўрганибгина қолмай, ўзимиз болалар билан бирга янги, қизиқарли, мазмунли, ўзига тортувчан, педагогик жиҳатдан мақсадга мувофиқ кўп нарсалар яратишимиш мумкин**»².

Ўзбек миллий таълим тизими ҳам илғор тажрибаларни қабул қилиш билан бирга минг

йиллар давомида шаклланган шарқона усулардан воз ҳам кечмади. Шарқ, хусусан, ўзбек таълим тизимида ёшлар тарбияси, ахлоқи, ватанпарварлиги, меҳнатсеварлиги, инсонпарварлиги каби сифатларга азалдан алоҳида эътибор қаратилган. Бунда **«Қобуснома», «Қутадғу билиг», «Ҳибат-ул ҳақойиқ», «Маҳбуб-ул қулуб»** каби дурдона асарларга таянилган.

Бизнингча, ҳар қандай таълим ва тарбияни **«Тарбия нимадан бошланади?»** сўроғи билан бошлаган маъқул. Бунда ўқитувчи шахси, имкониятлари, унинг ўқувчиларга ва ўқувчиларнинг ўқитувчиларга муносабатлари каби жиддий масалаларга жавоб изланади. Чунки болалар муҳаббатига эга бўлмаган ва табиатан ихтисослашмаган ўқитувчининг бақириб-чақириши болаларни «ўлдириши», тарбия айнан ўқув фаолияти билан боғланган ҳолда дарсда бошланиши ва ўша ерда тугаши олиб бораётган илмий тадқиқотимиз мобайнида аёналашди. **Ўқитиши жараёнига технолого-гик бефарқ ёндашилса, ўқитувчи лаёқатсиз бўлса ёки тарбиялаш мақсадида ўз имко-ниятларини вақтида, ўринли ишга сол-маса, бола, эҳтимол, фанни ўзига керакли жиҳатига кўра қисман ўзлаштириши мум-киндири, бироқ бу ҳолат мамлакат миллий хавфсизлигига таҳдид солади.**

Хар бир таълим муассасаси раҳбар ва педагоглари давлат миқёсидаги бу хавфнинг олдини олиш ва бартараф этиш чораларини кўришлари шарт. Улар, энг аввало, миллий ғурур туйғусига эга бўлишлари лозим. Масалан, Алишер Навоий туркий тил (ўзбек тили) бойликларини намойиш этиш орқали пайдо қилган бу тилдан ғурурланиш ҳисини ўқувчиларга англатиш, туйдириш лозим. Ўқувчилар эътиборини Алишер Навоий нутқ ва тилни ўша даврдаёқ бир жумла ёрдамида (**«Тил шунча шарафи билан нутқقا хизмат қиласди»**) фарқлаб берганлигига қаратиш керак. Ибн Сино эса Трубецкойдан 900 йил илгари товушларни унли ва ундошларга ажратгани, коррелятив товушларни белгилаб бергани ҳақида билиш ўқувчида миллий ифтихор ҳисини мустаҳкамлайди.

Адабий таълим давлатнинг ички сиёсатига фаол таъсир этадиган ижтимоий ҳодисадир. Мамлакатдаги таълим масканлари мұваффақият ва фарновонлик тимсоли бўлиш

¹ Таълим тараққиёти. - Т.: 1999. 1-максус сон, 166-бет.

² Лизинский В.М. Приемы и формы в воспитании. – М.: Центра педагогических ПОИСК, Педагогика . 2004. – 160 с.

баробарида келажак ворисларини яхши амаллар сари етаклайди. Таниқли сиёсатчи Франсуа Миттеран таълим масканини «**жамиятни ҳаракатлантирувчи куч**» деб ҳисоблагандагуда ҳақ эди.

Бинобарин, мустақил жамиятимизни ҳаракатга келтирадиган, биз қўзлаган манзилга элтадиган таълим масканлари ижтимоий ҳаётдаги энг кичик ўзгаришни ҳам сезади ва унга муносабат билдиради. Ижтимоий тафаккур янгилангани таълим тизимини ўзгартиради, бу эса ўз навбатида, яна ижтимоий тафаккурга таъсирини ўтказади. Шу каби илдизини аниқлаш мушкул таъсири туфайли адабий таълимнинг мазмуни ўзгарди. Илгари амал қилган тамойиллар, мезонлар истеъмолга ярамай қолди. Ўзбек адабиётини даврлаштириш таянадиган асослар (йтгач) эскиргач, янгиларини жорий этиш зарурати туғилди. Профессор Қ.Йўлдошев адабий даврларни, янги ўзбек адабиётининг илдизи, асосий белгилари ва тараққиёт босқичларини аниқлаш, бу атаманинг қўлланиш чегарасини белгилаш баробарида¹ жуда муҳим бўлган қуйидаги тўрт босқичини кўрсатиб ўтади:

1. Ўзбек маърифатчилик адабиёти.
2. Ўзбек жадид адабиёти.
3. Шўро даври ўзбек адабиёти.
4. Мустақиллик даври ўзбек адабиёти.

Бу ўринда ёшларда ватанпарварлик туйғусини шакллантиришда ҳалқ оғзаки ижоди намуналарини, албатта, ҳисобга олиш лозимлигини таъкидлашни истардик.

Муаллиф «**Янги ўзбек адабиёти**» атамасини баъзан «**XX аср адабиёти**», баъзан эса «**Жадид адабиёти**» истилоҳининг муқобили тарзида қўллаб, ушбу атама миллат адабий тафаккуридаги тамомила ўзига хос хусусиятларни ифодалаши, XIX асрнинг иккинчи ярмидан бугунгacha бўлган замоний оралиқда яратилган миллий асарларни англатишими эътироф этади.

Маълумки, ўтган асрда адабиётнинг вазифаси, ижтимоийлиги мудом эврилишда бўлди. XIX асрнинг 60-йилларида ўзбек адабиётида эстетик анъаналар ўзгарди, бадиий ижод руҳият қирраларини акс эттириш, комиллик сифатларини улуғлаш, маъшуқа азоли-

бларини тасвирилашдангина иборат бўлмай қолди. Муаллиф яна XIX аср иккинчи ярмидан адабиёт тириклик юмушларига арадашиб, ижтимоий-сиёсий таъсири воситасига айлангани, публицистик руҳ қасб эта бошлагани ҳақда сўзлаб, оддий одамлар ҳам бадиий қаҳрамонга айлангани, адабиётга ўзгача руҳ, бўлакча муаммо, янгича ҳаёт тарзи кириб келгани, бундай йўсун бадиий тил ифодасида туб ислоҳотлар бўлишини юзага келтирмай қолмаслигини айтади.

Шу тариқа, омманинг фикрини уйғотиш, бунинг бирдан-бир йўли маърифат тарқатиш, атрофга назар солиш, ўз «мен»и билан ўзгалар «мен»ини солишириш, қиёслаш, шу зайлда миллат аҳли тафаккур оламини уйғотиш, қолоқлиқдан халос қилиш ўзбек адабиётининг бош мақсадига айланган.

Хозирги кунимизда ҳам 1920 йилларда юз берган жараён каби ҳолат рўй бермоқда. Адабиёт ва уни ўқитиши борасидаги педагогиканинг мақсади, вазифаси буткул ўзгарди. Илгари тузумнинг содик, буйруқни ўйламай сўзсиз, бажарадиган кадр етишириш керак бўлган умумий таълим эндилиқда ўқувчига билимларнинг зарурий ҳажмини бериши билан бирга унда мустақил фикрлаш, ташкилотчилик қобилияти ва амалий тажриба кўникмаларини ривожлантиради, таълимнинг навбатдаги босқичини танлашга ёрдамлашади ва касбга дастлабки йўналиш беради.

Маълумки, таълимнинг **индивидуал, рақиблик** ҳамда **ҳамкорлик** каби уч тури мавжуд. Индивидуал таълим ёрдамида педагог тарбияланувчининг қалбига, руҳиятига тўғри таъсири этади. Соғлом рақобат ёрдамида ўқувчининг шахсий ва илмий сифатларини камолга етказади. Ҳамкорликдаги таълим ўқувчини ўқитиши ёки тарбиялашдан кўра, уни ўқийдиган, тарбияланадиган ҳолатга келтиради. Бунда ҳар бир ўқувчи ўз устида тинимсиз ишлай олади, ўзини ўзи таҳлил қилиб, муваффақият ва нуқсонларидан хулоса чиқаради.

Инсоннинг олий қадриятга айлангани таълимни юқоридаги уч тури билан таъминлади. Юксак қадрият ҳисобланмиш ўқувчи маънавияти ва шахсига қўйиладиган асосий ва биринчи талаб **ватанпарварликдир**. Бу талабни Кондиришнинг энг самарали ва ишончли усули уни адабий таълим орқали рўёбга чиқариш

¹ Йўлдошев Қ. Янги ўзбек адабиёти: илдизлар, белгилар, босқичлар. – Т.: Шарқ юлдузи, 2007. 1-сон. – Б. 132-138.

ҳисобланади. Зотан адабиёт инсонларни яхшиликка чорловчи, ёмонлиқдан қайтарувчи илмидир. Айнан у гўзал ахлоқни шакллантиради, инсонни маънавий камолотга етказади.

«Ахлоқ – бу хулқлар мажмуи. Хулқ эса эзгулик ёхуд разилликнинг муайян бир инсонда намоён бўлиш шакли. Бинобарин, ҳар бир хулқ эзгулик ва олижанобликнинг ёки разиллик ва бадбинликнинг тимсоли. Шу жиҳатдан улар яхши ва ёмонга бўлинадилар. Лекин булар кишида ўз-ўзидан пайдо бўлмайди. Уларнинг шаклланиши учун маълум шароит, тарбия керак. Кишилар туғилишдан ёмон бўлиб туғилмайдилар. Уларни муайян шароит ёмон қиласди... Тарбия туғилган кундан бошланади ва умрнинг охирига қадар давом этади. У икки босқичдан – уй ва мактаб тарбиясидан ташкил топган»¹.

Демакки, ёшларни ватанпарварлик руҳида тарбиялаш дастлаб оила ўчоғида бошланади, сўнг боғча, мактаб каби таълим босқичларида давом эттирилади. Айнан оиласда бола ватанпарварликнинг баландпарвоз чақириқ эмаслигини, уни туйиш маълум маънавий тайёргарликдан сўнггина мумкин бўлишини, Ватанин «пул» ёки бирор манфаат манбаи тарзида кўрмаслик кераклигини ўрганади. Акс ҳолда таълимнинг турли босқичларида берилётган билим ўқувчини нафс гирдобига тушиб қолишдан, маънавий қадриятларни суистеъмол қилишдан асрой олмайди.

Адабиётни таълимнинг турли тизимларида ўқитиши методикасини модернизациялаш, миллий педагогикамизнинг бор имкониятларини ватанпарварликка йўналтириш зарур. Шу эҳтиёж юзасидан 1988 йилдан то 2007 йилгача бўлган давр оралиғида адабий таълимнинг УЎМКХТ босқичлари учун ўндан ортиқ дастурлар эълон қилинди. Бироқ бу чоралар бир ёқлама эканлиги, фақат шу билангина адабий таълим мазмунини ўзгаририб бўлмаслиги, бугунги кун талаблари доирасида аён бўлди. Адабий таълим концепцияси, давлат таълим стандарти, замонавий талаблар асосидаги дарслик, ўқув қўлланмаларининг яратилиши шу англаз (англам) маҳсулидир. Аммо уларни талабга тўла жавоб берадиган ўқув воситалари дейиш мушкул. Дастур ва дарсли-

клар таҳлили уларда асрлар давомида қадрлаб келинган инсоний фазилатлар, хусусан, ватанпарварлик, ҳалқпарварлик каби қадриятларни асраш ва шакллантиришга ундовчи материаллар, аниқроғи, бадиий матнлар кўнгилдагидек эмаслиги кўринади. Фикримизча, ёшларни ватанпарварлик руҳида тарбиялашга йўналтирилган бадиий асарларни қайта саралаш лозим. Асарлар таянган маънавий ва назарий асослар соғлом ақлга, ҳақиқий санъатнинг табиати ҳамда миллий қадриятлар тизимиға мувофиқ бўлгандагина илмий аҳамият, амалий қимматга эга бўлади.

Аслини олганда, бадиий асарни яратишда ҳам, уни ўқиб тушуниш ва таҳлил этишда ҳам таяниладиган фалсафий-методологик асос муҳим ўрин тутади. Чунки бу оламни эстетик идрок этиш, ундан таъсирланиш, уни тушуниш ва тасвирлаш йўналишини тайин этади. Фалсафий асоснинг тўғри ё нотўғрилиги яхши билан ёмон, хунук билан гўзал тушунчаларига ёндашувнинг моҳиятини, мантиқий ё асоссизлигини белгилайди.

Истиқлолга қадар ўзбек адабиётшунослиги асар модернизм фалсафа асосида таҳлил этиларди. Натижада ўзгача тафаккур тарзи маҳсули бўлмиш бадиий ҳодисаларнинг асл моҳиятини англаш ва сиру синоатларини тўғри изоҳлаш имконсиз бўларди. Адабиёт илми Арастунинг «Поэтика» китобида таърифланган «мимесис», яъни тақлид назариясига таянарди. Кўп қирралари тўғри бўлган бу қарашни ягона ва ҳар қандай адабий ҳодисага истисносиз татбиқ этса бўлаверадиган универсал ақида ҳисоблаш унчалик маъқул эмас.

Бизнингча, агар бадиий асар мимесис натижаси бўлса, оламдаги барча ҳалқлар адабиёттида бир хил тур ва жанрлар қўлланиши лозим эди. Негаки, барча ҳалқларни деярли бир хил ёки бир-бирига ғоят ўхшаш борлиқ ўраб туради. Инсон ҳамма жойда ҳам яшаб қолиш, тирикчилик ўтказиш учун бир-бирига ўхшаш йўсинда ҳаракат қиласди. Демакки, ҳаётга тақлид ҳам деярли бир хилда амалга оширилган бўларди.

Ўзбек адабиёти эса XX асрга қадар ҳам драматик турдан бехабар эди. Агар жадидлар бу жанрни миллий адабий амалиётга киритмаганларида у тақлид натижасида ўзи пайдо бўлиб қолмасди. Шунингдек, «Алломиши»дай йирик ҳалқ достони ҳам барча миллатларда мавжуд ЗАМОНАВИЙ ТАЪЛИМ / СОВРЕМЕННОЕ ОБРАЗОВАНИЕ 2021, 6 (103)

¹ Қосимов Б. Миллий ўйғониш: жасорат, маърифат, фидойилик. - Тошкент: "Маънавият", 2002. – Б. 252-253.

эмас. Бадиий ижодда атроф-муҳит, инсоннинг тирикчилик ва турмуш тарзи муҳим ўрин тутгани ҳолда адабиётни фақат ҳаёт ҳодисаларига тақлид натижасигина, деб қабул қилишга асос бермайди. Фикримизча, адабиётни идрок этиш «мимесис» натижасида юз беради. Дейлик, туркий адабиёт намуналари исломдан олдинги даврда тамомила ўзига хос йўналишда ривожланган. Бунга тошбитиклар, Иссиққўрғондан топилган, Селунгурда сақланиб қолган адабий ёдгорликлар гувоҳдир. Эътибор қилинса, тошбитиклардаги тасвирларда ҳақ-ноҳақ, ҳалол-ҳаром, тўғри-нотўғри каби тушунчалар тилга ҳам олинмайди, Култигин, Билгақоон ва бошқа қаҳрамонларнинг тутумлари муайян ахлоқий ўлчамлар асосида баҳоланмайди. Бу битиклардаги ягона мезон – қудрат ва ғалаба.

Амалий таклифлар.

Ўқувчида маънавий туйғуларни уйғотиш ва барқарорлаштириш ваколати ёки вазифаси фақат мактабнинг зиммасидагина эмас. Бола оила, боғча, маҳалла, қариндош-урӯғ ва таниш-билишлараро муносабатлар жараёнларида ҳам тарбияланади. Шу боис таълим тизимида кўп қўлланган «**Бутун ҳаёт давомида таълим**» ифодаси «**Барча ҳаёт тарзи орқали таълим**»¹ ифодаси билан алмаштирилди. Дарҳақиқат, тарбия-таълим турмушнинг барча жабҳаларида, инсон умрининг охиригача давом этади. Шунга қарамай, УЎТМ, ижод мактаблари, академик лицей, касб-ҳунар коллежлари ва улардаги адабий таълимнинг ёшларни ватанпарварлик руҳида тарбиялашдаги ўрнини камситиб бўлмайди.

Бу муассасалар адабий таълими муваффақиятида:

- ўқитиши ўқувчининг турли хил қабул қилиш жиҳатларига самарали таъсир этадиган бўлиши;
- ўқувчилар улар олдига қўйилган вазифалар бўйича аниқ тасаввурга эга бўлишлари;
- янгиликлар билан таништириш, мураккабликларини соддалаштириб бериш йўллари;
- дедукция билан индукцияни амалда бирлаштириб қўллаш каби омилларга боғлиқдир. Мазкур омиллар ўқитишининг тезкорлиги ва кафолатини ҳам белгилайди.

Педагогика, жумладан, адабиёт ўқитиши методикаси ижодкор болаларни ривожланишининг келажак истиқболини қўйидагиларда кўради:

- ўқув-тарбия жараёнини инсонпарварлаштириш;
- ўқитиши дифференциациялаш (фарқлаш, ажратиш); предметлар ва аниқ методларни интеграциялаш (уйғунлаштириш); ўқитиши савиясини ҳозирги замон фани ва маданияти савиясига яқинлаштириш; ўқитишининг янги шаклларини излаш; дарсларини лойиҳалаштириш; дастурга мос дарсларнинг янги технологияси ҳамда технологик харитасининг яратишни кўзда тутади.

Адабий таълим минни такомиллаштириш эса, олиб борилган илмий тадқиқотларимиз асосида ўқувчиларда қўйидагиларга эришишни таъминлайди:

- бадиий адабиёт ўқишига қизиқишини ривожлантиради;
- таълим босқичларида ўқитувчи эътибори бадиий асарнинг ўқувчига маънавий, эстетик ва ҳиссий таъсир этишига қаратади;
- ўқувчида гўзалликни ҳис этишини шакллантириши орқали онгли муносабат ва мустақил фикр эгасини тарбиялашга хизмат қиласди;
- адабиётга ижодий, индивидуал ёндашувни шакллантириши компетенцияси ривожланади;
- мақсадли таълимнинг турли босқичларидаги бундай ёндашувлар адабиёт ўқитиши борасидаги тизимли алоқани мустаҳкамлайди.

Ана шундай юмушларни амалга ошириш баробарида шиддатли илмий-техник инқилоблар замонида муваффақиятли фаолият юрита оладиган янги авлод кадрларини етиштириш, ёшларни бунёдкор, ватанпарварлик каби умрбоқий ғоялар билан тўйинтирилган таълим орқали касб-ҳунарга йўналтириш, адабий таълимни илғор педагогик воситалар билан таъминлаш, мактабда ташаббус ва ижодга кенг йўл очиш, уларга мувофиқ тизимларни яратиш каби зарур омилларни яратади.

¹ Селевко Г.К. Энциклопедия познавательных технологий. 1-том. - М.: Народное образование, 2006. – 188 с.

Адабиёт рўйхати:

1. Ўзбекистон Республикаси Президенти Шавкат Мирзиёев. Маънавий-маърифий ишлар тизимини тубдан такомиллаштириш, бу борада давлат ва жамоат ташкилотларининг ҳамкорлигини кучайтириш масалалари. - Тошкент. "Янги Ўзбекистон" 2021 йил 19 январь.
2. Азбаров Ю.Т. Болаларни севиш санъати. – Т.: "Ўқитувчи", 1991. – 138 б.
3. Азизходжаева Н.Н. Инновационные и образовательные технологии в подготовке педагогических кадров // Халқ таълими. – Тошкент, 2001. - №4.– С.123-126.
4. Азизхўжаева Н.Н. Ўқитувчи тайёрлашнинг педагогик технологияси. – Т.: ТДПУ, 2000. – 52 б.
5. Активные формы преподавания литературы. Лекции и семинары на уроках в старших классах (составитель: Р.И. Альбеткова). – М.: "Просвещение", 1991. – 175 с.
6. Ал Бухорий Абу Абдуллоҳ Мұхаммад ибн Исмоил. Ҳадис. –Тошкент: Қомуслар бош таҳририяти, 1991. – 560 б.
7. Аледова Р.Ш. Амир Темурнинг маърифий-тарбиявий қарашлари: Пед. фан. номз. ... дисс. автореф. – Тошкент, 2006. – 23 б.
8. Алиев А. Маънавият, қадрият ва бадиият. – Т.: Маънавият, 2000. – 630 б.
9. Алиев А. Педагогик маданият: метод ва маҳорат қирралари // Халқ таълими. – Тошкент, 2007. - № 5 – Б. 23-27 б.
10. Алиқулов Х. Гуманистик мерос ва шахс маънавий камолоти. – Тошкент: Маънавият, 2006. – 56 б.